




## ROMA AETERNA

*Palātium et Capitōlium*

Urbs Rōma in rīpā Tiberis flūminis sita est vīgintī mīlia passuum ā marī. Hōc locō flūmen facile trānsītur, et collēs propinquī bene mūnīrī possunt. Moenia Rōmāna 5 antīqua septem collēs sīve montēs complectuntur, quōrum haec sunt nōmina: Palātium, Capitōlium, Aventīnus, Caelius, Ēsquiliae, Vīminālis, Quirīnālis. Ā colle Quirīnālī et ā monte Capitōlīnō ūsque ad Tiberim flūmen campus Mārtius patet.

10 Palātium pīnum mūnītum est, sed ea moenia quadrāta quibus Rōmulus, pīmus rēx Rōmānōrum, Palātium mūnīvisse dīcitur iam pīdem periērunt, neque ullā casa restat ex illā urbe antīquissimā, quae ā fōrmā moenium ‘Rōma quadrāta’ appellābātur, praeter ‘casam 15 Rōmuli’ strāmentō tēctam. Posteā Rōmānī nōbilissimī in Palātiō habitāvērunt, ibique post Iūlii Caesaris aetātem Augustus, Tiberius, Caligula aliīque pīncipēs Rōmānī domōs magnificās sibi aedificāvērunt. Omnia-

Terrārum deagentium-  
que Rōma,  
cui pār est nihil et nihil  
secundum  
[Mārtīalis XII.8]



fōrma templī

complectī : cingere

Capitōlinus -a -um  
< Capitōlium


fōrma  
quadrāta

[annō 753 a. C.: ante  
Christum (nātum)]

casa -ae f = parva domus  
pauper  
re-stāre = reliquo esse,  
superesse  
tegere tēxisse tēctum  
= operīre



magnificus, *comp*-ficer-  
tior, *sup*-ficientissimus  
Palātinus -a -um < Palā-  
tium



firmus -a -um = qui  
frangī nōn potest,  
validus

summum Iāniculum =  
summa Iāniculī pars  
trāns (↔ cis) = ultrā  
arduuus, *comp* magis a.,  
*sup* māximē a.

praecipitāre = prōicere  
(capite p̄imō)  
sacer -cra -crum: (locus)  
s. = ubi diū adōrantur  
clārus = nōbilis

L. = Lūcius (praenōmen)

sacrāre = sacrum facere  
et deō trādere  
ex-pellere -pulisse  
-pulsum  
cōsul -is m

[annō 509 a. C.]

augustus -a -um = deō  
dignus, magnificus

dea: *pl dat/abl* -ābus  
cōn-secrāre = sacrāre  
tertium *adv*  
incendium -i n = ignis  
quō domus cōnsūmitur  
re-ficere -fēcisse -fectum  
<-facere  
[annō 82 p. C.: post  
Chrīstum (nātum)]


splendēre = clārē lūcēre

vērō magnificentissima est domus illa ā Domitiānō prī-  
cipe in colle Palātinō aedificāta, quāe vocātur 'domus 20  
Augustāna'.

Ea Capitōlii pars quae spectat ad septentriōnēs, ardua  
atque mūrīs firmīs mūnīta, Arx dīcitur. Nec vērō 'arx'  
nōmen huius montis proprium est, nam aliī quoque  
montēs arduī nātūrā et opere mūnītī 'arcēs' dīcuntur, ut 25  
summum Iāniculum, quod trāns Tiberim situm est. Loc-  
cus in Capitōliō māximē arduus appellātur saxum Tar-  
pēium, dē quō ōlim hominēs scelestī supplicī causā  
praecipitābantur.

In monte Capitōlinō, qui prae cēterīs sacer habētur, 30  
multa sunt aedicia sacra, quōrum clārissimum est  
templum Iovis Optimī Māximī. Hoc templum prīnum  
aedificāvit L. Tarquinius Superbus, septimus et ulti-  
mus rēx Rōmānōrum. Ille vērō, cum nōndum sacrāvis-  
set novum templum, Rōmā expulsus est ā L. Iūniō 35  
Brūtō, atque prō rēge duo cōsulēs populō Rōmānō  
praepositi sunt. Nōn rēx igitur, sed cōsul Rōmānus  
hoc templum augustum Iovī Optimō Māximō, summō  
deō populī Rōmānī, et Iūnōnī et Minervae, duābus 40  
māximīs deābus, cōnsecrāvit. Deinde idem templum  
iterum et tertium sacrātum est, cum post incendia refec-  
tum esset. Postrēmō Domitiānus templum Iovis Capitō-  
linī incendiō cōnsūmptum refēcit atque tantīs dīvitiīs  
exōrnāvit ut nihil magnificentius fierī posset: aurō et 45  
gemmīs splendet tēctum, quod plūrimīs columnīs ē

marmore pulcherrimō factīs sustinētur; intus in cellā, post forēs aurō opertās, ingēns simulācrum Iovis in altā sēde sedentis positum est. Ad hoc templum imperātor victor post triumphum ascendit, ut Iovī Optimō Māximō sacrificium faciat, dum ducēs hostium, quī in triumphō ante currum imperātōris ductī sunt, ad suppliū trāduntur.




In summā Arce templum Iūnōnis Monētae situm est, in quō nummī ē metallīs pretiōsīs, aurō, argentō, aere, efficiuntur atque imāginibus imprimuntur. In īfimō Capitōliō est Tabulārium, id est amplum aedificium in quō tabulae et litterae pūblicae servantur.

### *Forum Rōmānum*

Īfrā Capitōlīnum Palātīnumque collem est forum Rōmānum. In eā valle oīlim magna palūs erat, quae tum dēmum siccāta est cum aqua palūdis in flūmen dēdūceretur per cloācam subterrāneam quae appellātur ‘cloāca

cella -ae f = locus in templō clausus  
operīre -uisse -rtum  
simulācrum -īn = imāgō,  
signum  
sēdēs -is f = locus ubi aliquis sedet


sacrificium -īn: s. facere  
= bovem/ovem/porcum occīdere et deō offerre



triumphus -īm


Monēta -ae f: cognōmen  
Iūnōnis  
metallū -īn  
aes aeris n = metallū  
ferrō pretiōsius ex quō assēs efficiuntur  
amplus -a -um = magnus,  
lātus et altus  
servāre = salvum  
cūstōdīre

palūs -ūdis f = locus  
ūmidus  
siccāre = siccum facere  
dē-dūcere  
cloāca -ae f = fossa tēcta  
sub-terrāneus -a -um  
= sub terrā situs




Māxima'. Postrēmus siccātus est locus in mediō forō quī 'lacus Curtius' dīcitur ā nōmine equitis cuiusdam 65 quī sē armātum cum equō suō in vorāginem ibi factam praecipitāvisse nārrātur.

Magnus numerus hominum cotīdiē convenit in forū Rōmānum, locum urbis celeberrimum, quī multīs aedificiīs pūblicīs et sacrīs cingitur. Aedificia pūblica



70 amplissima sunt due basilicae, Aemilia et Iūlia. Basilica est aedificium pūblicum in quō et alia multa negōtia aguntur et iūs inter cīvēs dīcitur. Antequam illae basilicae exstrūctae sunt, tabernae in forō erant: tabernae veterēs eō locō ubi basilica Iūlia sita est, tabernae novae 75 in locō basilicae Aemiliae. Nunc autem mercēs in vīcis et in aliīs forīs vēneunt.


Iūxtā basilicam Aemiliam, in eā forī parte quae dīcitur Comitium, locāta est Cūria, id est aedificium quō senātus Rōmānus convenīre solet. Senātus cōnstat ex



cloāca Māxima

celeber -bris -bre: (locus)  
c. = quō multī conveniunt

basilica -ae f




Cūria -ae f

ex-strūere -ūxisse -ūctum  
= aedificāre

vīcus -ī m = pars urbī,  
viae domūsque  
vēn-īre -eunt -iisse  
= vēndī (pass)

locāre (< locus) = pōnere;  
locātus = situs

senātus -ūs m

senātor -ōris *m*rēs pūblica = rēs omnium  
cīvium commūnisōrātor  
-ōris *m*rōstrum  
-ī *n*

prōra


rōstrum  
nāvisRōstra -ōrum *n*

prōra -ae *f* = pars nāvis  
prior ( $\leftrightarrow$  puppis)  
illūstris -e = clārus,  
nōbilis  
ōratiōnem habēre  
= verba facere  
M. = Mārcus

Cicerō -ōnis *m*

dē-struere -ūxisse -ūctum  
 $\leftrightarrow$  exstruere

sescentīs senātōribus, cīvibus nōbilissimīs, quī ante 80  
Caesaris aetātem summam potestātem in rē pūblicā Rō-  
mānā tenēbant. Tunc vērō in antīquam cūriam Hostī-  
liam, quae paulum ad septentriōnēs extrā Comitium sita  
erat, senātōrēs convocābantur. Via celebris quae inter  
Cūriam et basilicam Aemiliam in forum exit Argilētum 85  
nōminātur.




Ante Comitium est locus superior ex quō ūrātōrēs  
verba faciunt ad populum. ‘Rōstra’ nōmen est huius  
locī, quia rōstrīs nāvium captārum ūrnātūr (‘rōstrum’  
enim vocantur eae hastae ferreae quae ē prōrā nāvis 90  
longae ēminent velut rōstrum avis). Multī ūrātōrēs il-  
lūstrēs in Rōstra ascendērunt, ut ūrātiōnēs ad populum  
habērent, neque vērō haec Rōstra sunt unde M. Tullius  
Cicerō, ūrātor omnium quī Rōmae fuērunt illūstrissi-  
mus, ūrātiōnēs habuit, nam Rōstra antīqua, quae in 95  
ipsō Comitiō posita erant, simul cum cūriā antīquā ā  
Iūliō Caesare dēstrūcta sunt cum nova cūria aedificā-  
rētur.

Ex aedibus sacrī forī Rōmānī minima quidem, sed  
 100 veterima est aedēs Iānī, quae ad īfīsum Argilētūm  
 sita est. Illa aedēs duās iānuās vel portās habet, quae  
 tum dēmum clauduntur cum per tōtūm imperium po-  
 pulī Rōmānī terrā marīque pāx facta est — id quod per  
 septingentōs annōs inter Rōmulum et Augustum bis  
 105 tantum ēvēnit. Augustus vērō, cum ad Actium, prō-  
 munturium Ēpīrī, classem M. Antōniī vīcisset, Iānum  
 tertium claudi iussit.

In contrāriā forī parte est aedēs Vestae antīquissima,  
 quae fōrmam habet rotundam, nōn quadrātam. Vesta  
 110 est dea focī rērumque domesticārum, in cuius aede ignis  
 aeternus ārdet neque ūllum deae simulācrum inest. Sex  
 virginēs Vestālēs ex filiābus Rōmānōrum illūstriūm  
 ēlēctaē diligenter cūrant nē ignis Vestae umquam ex-  
 stinguātur, namque ignis ille semper ārdēns Rōmam  
 115 urbem aeternam esse significat. Iūxtā aedem Vestae est  
 ātrium Vestae, id est domus Vestāliūm, et Rēgia, do-  
 mus pontificis māximī, in quā oīlim rēgēs Rōmānī habi-  
 tāvisse dīcuntur. (Pontifex māximus est summus sacer-  
 dōs, quī cēterī omnibus sacerdōtibus Rōmānīs praefec-  
 120 tus est; sacerdōtūm negōtium est sacrificia facere atque  
 rēs dīvīnās cūrāre.)


Ante Rēgiām est templum C. Iūliō Caesarī cōnsecrā-  
 tum, quod templum Dīvī Iūliī appellātur. Caesar enim,  
 ut plērīque prīcipēs Rōmānī, post mortem in deōrum  
 125 numerō habētur et ‘dīvus’ vocātur. Templum Dīvī Iūliī

aedēs -is *f* = templum  
 vetus, *comp* veterior,  
*sup* veterīmus



terrā marīque (*loc* = *abl*)  
 = in terrā marīque

ē-venīre = accidere  
 prōmunturium -ī *n* =  
 mōns in mare ēminēns  
 Ēpīrus -ī *f*  
 Iānus = aedēs Iānī



fōrma  
 rotunda

focus -ī *m* = ignis domes-  
 ticus  
 domesticus -a -um  
 < domus  
 aeternus -a -um = per-  
 petuu  
 Vestālis -e < Vesta  
 filia: *pl dat/abl* -ābus  
 ex-stinguere -īnxisse  
 -īnctum ↔ accendere

Vestālis -is *f* = virgō  
 Vestālis  
 rēgia -ae *f* = domus rēgis  
 pontifex -icis *m*


prae-ficere -fēcisse  
 -fectum = praeponere

dīvīnus -a -um (< deus)  
 = sacer  
 C. = Gāius (praenōmen)

dīvus -a -um = dīvīnus

cremāre = ūrere

[annō 44 a. C.]



clivus -īm = latus montis

Castor -oris m

Pollūx -ūcis m

aerārium -īn &lt; aes

( : pecūnia)

dē-pōnere = pōnere in  
tūtō locōre-stituere -uisse -ūtum  
= reficere

frōns = pars prīma

aedēs Castoris et Pollūcis

(filiī) geminī = duo  
eōdem diē nātī  
auxiliō (dat) = ad  
auxiliummarmoreus -a -um = ē  
marmore factusVespasiānus: prīnceps  
Rōmānus (mortuus  
annō 79 p. C.)

[annō 367 a. C.]

factiō -ōnis f = pars cī-  
vium quae idem dē rē  
pūblicā sentit  
patriciī -ōrum m  
plēbēiī -ōrum m  
concordia -ae f ↔ dis-  
cordia

vetustās -ātis f &lt; vetus

ab Augustō aedificātum est eō ipsō locō ubi corpus Cae-saris ā cīvibus lūgentibus cremātum erat postquam M. Antōnius cōnsul ḍrātiōne clārissimā amīcum suum mor-tuum laudāvit.

Ab utrāque parte basilicae Iūliae magna aedēs sita 130 est, ā dextrā sub clīvō Capitōlīnō aedēs Sāturnī, ā si-nistrā aedēs Castoris et Pollūcis.

Aedēs Sāturnī est aerārium populī Rōmānī, id est locus ubi pecūnia pūblica dēpōnitur ac servātur. Hoc templum antīquissimum SENATVS POPVLVSQVE ROMA- 135 NVS INCENDIO CONSUMPTVM RESTITVIT, ut in fronte īn-scriptum est.

Aedēs Castoris cōnsecrāta est diīs Castorī et Pollūcī, Iovis filiīs geminīs, quī saepius Rōmānīs in proeliīs auxiliō vēnērunt. Inter hanc aedem et templum Dīvī 140 Iūliī senātus populusque Rōmānus post proelium ad Actium factum Augustō victōrī arcum marmoreum ae-dificāvit. Templum Dīvī Augustī situm est post basili-cam Iūliam.

Īfrā Capitōlium iūxtā Tabulārium sunt aedēs Con- 145 cordiae et Dīvī Vespasiānī.

Aedēs Concordiae antīqua eō tempore aedificāta esse dīcitur cum post longam discordiam quae populum Rō-mānum dīviserat in duās factiōnēs inter sē inimicissi-mās, patriciōs et plēbēiōs, tandem concordia omnium 150 cīvium restitūta est. Deinde, temporibus Augustī, senātus populusque Rōmānus aedem Concordiae vetustāte

collāpsam in meliōrem faciem restituit. Prope aedem Concordiae est Carcer, cuius pars subterrānea, tenebris et odore foeda atque terribilis, Tulliānum appellātur; 155 multī hostēs Rōmānōrum in Tulliānō suppliciō affectī sunt.

Aedēs Dīvī Vespasiānī ā filiīs Titō et Domitiānō aedicāta, ā Domitiānō patrī mortuō dēdicāta est. Iūxtā aedēm Dīvī Vespasiānī est porticus duodecim diīs et deābus cōnsecrāta, quōrum simulācra aurāta in porticū stant. Nōmina duodecim deōrum hīs Enniī versibus hexametrīs continentur:

*Iūnō, Vesta, Minerva, Cerēs, Diāna, Venus, Mārs,  
165 Mercurius, Iovi<sup>3</sup>, Neptūnus, Vulcānus, Apollō.*

Multae viae ex omnibus urbis partibus in forum ferrunt, ut Argilētum, Sacra via, Nova via, vīcus Tūscus, vīcus Iugārius, atque clīvus Capitōlinus, quō imperatōrēs triumphantēs in Capitōlium ascendunt. ('Clīvus' dī-  
170 citur via quae in clīvō montis facta est.)

In summā Sacrā viā īfrā clīvum Palātinum est arcus Titī, dē quō mox dīcendum erit, et templum Iovis Statoris. In hoc templum senātus eō diē convēnit quō Cicerō cōnsul orātiōne clārissimā habitā Catilinām, hos-  
175 tem patriae, ē senātū atque ex urbe expulit.

Vīcus Tūscus forum Rōmānum cum forō Boāriō iungit, id est forum celebre prope Tiberim flūmen ubi bovēs aliaeque pecudēs vēneunt. In ārā Māximā, quae in forō Boāriō locāta est, sacrificia Herculī, deō Graecō,

col-lābī -lāpsum = ad  
terram lābī  
faciēs = fōrma


odor -ōris m = quod per  
nāsum sentītur

dēdicāre = sacrāre

porticus -ūs f = ordō  
columnārum tēctus  
aurātus -a -um = aurō  
opertus

Cerēs -eris f  
Diāna/Diāna -ae f  
Iovi<sup>3</sup>: Iovis (nōm)  
= Iuppiter

vīcus = via quae per  
vīcum fert  
triumphāre = triumphum agere



Āra -ae f  
Stator -ōris m: cognōmen  
Iovis  
[annō 63 a. C.]

boārius -a -um < bōs

pecus -udis f = bēstia  
quā ūtitur agricola

cōn-stituere -uisse -ūtum  
= locāre (rem novam),  
prīmum facere

[Fasti I.581–582]

inter-icere -iēcisse  
-iectum < -iacere;  
inter-iectus esse  
= interesse  
re-novāre = novum  
(dēnuō) facere

capere = continēre (in sē  
habēre) posse  
[annō 220 a. C.]

(viam) mūnīre = aedifi-  
cāre, facere

Cn. = Gnaeus (praē-  
nōmen)  
[annō 55 a. C.]  
theātrum aedificandum  
cūrāre = cūrāre ut the-  
ātrum aedificetur  
statua -ae f = signum  
hominis

[annō 44 a. C.]  
īdūs Mārtiae = diēs xv  
mēnsis Mārtii

superāre = vincere  
Pharsālus -īf  
in-cendere -cendisse  
-cēnum = accendere

fiunt. Herculēs enim antīquīs temporibus bovēs fōrmō- 180  
sōs in hunc locum ēgit  
*cōnstituitque sibi quae 'Māxima' dīcitur āram*  
*hīc ubi pars urbī dē bove nōmen habet,*  
ut versibus nārrat Ovidius.

### Urbs marmorea

Extrā forum Rōmānum sunt alia multa aedificia pū-  
blica. Iam veterēs rēgēs Rōmānī in valle Murciā, quae  
inter Palātium et Aventīnum interiecta est, circum  
Māximum cōnstituērunt, quī ā Caesare renovātus plūs  
quam trecentōs passūs longus est et octōgintā mīlia 190  
spectātorum capit. Alter circus posteā in campō Mārtiō  
aedificātus est et circus Flāminius appellātus ā nōmine  
C. Flāminiī, quī eōdem tempore viam Flāminiam mū-  
nīvit; tertius circus trāns Tiberim in agrō Vāticānō cōn-  
stitūtus ā prīncipe C. Caligulā. Nōn procul ā circō Flā- 195  
miniō Cn. Pompēius cōnsul amplissimum theātrum  
marmoreum aedificandum cūrāvit cum porticū et novā  
cūriā. In cūriā Pompēiā statua Pompēiī locāta erat, ad  
cuius pedēs C. Iūlius Caesar ā M. Brūtō, C. Cassiō aliīs-  
que senātōribus necātus est. Id factum est īdibus Mār- 200  
tiīs quārtō annō postquam Caesar exercitum Pompēiī  
superāvit in Thessaliā ad oppidum Pharsālum. Post ne-  
cem Caesaris cūria Pompēiā ā populō īrātō incēnsa est.

Caesar autem, priusquam ita necātus est, nōn sōlum  
vetera opera refēcerat, sed etiam nova cōnstituerat. In 205

eā urbis parte quae est post Comitium, multīs domibus  
privātīs dēstrūctīs, novum forum fēcerat in quō tem-  
plum Veneris Genetrīcīs situm est. Venus enim ā Iūliō  
Caesare ‘genetrīx’ nōminābātur, quia gēns Iūlia ā Ve-  
210 nere orta esse dīcitur.

Caesare interfectō C. Octāviānus adulēscēns necem  
eius ulcīscī cōnstituit, neque vērō id sine auxiliō deō-  
rum, praecipuē Mārtis, fierī posse arbitrābātur. Ergō  
Mārtī deō templum vōvit priusquam proelium commī-  
215 sit cum Brūtō et Cassiō. Quibus victīs Octāviānus iūxtā  
forum Iūlium novum forum cum templō Mārtis incohā-  
vit. Magnum quidem opus fuit, neque brevī tempore  
perfectum est, nam quadrāgintā dēnique annīs post  
Caesar Octāviānus Augustus, quō cognōmine tum ap-  
220 pellābātur, magnificum illud monumentum victōriæ  
suae Mārtī dēdicāvit. Templum Mārtis Ultōris nōminā-  
tum est, quod ille deus mortem Caesaris ultus esse putā-  
bātur.


Nēmō prīnceps Rōmānus tot aedificiīs magnificīs Rō-  
225 mam auxit ḫornāvitque quot Augustus. Nōn sōlum aedēs  
sacrās vetustāte collāpsās aut incendiīs absūmptās refē-  
cit, sed plūrimās domōs ē lateribus factīs dēstrūxit at-  
que tot et tanta nova opera marmorea aedificāvit ut iūre  
glōriātus sit ‘marmoream sē relinquere urbem quam  
230 latericiam accēpisset.’ Iūxtā domum suam Palātīnam  
templum Apollinis fēcit cum porticibus et bibliothēcā  
Latīnā Graecāque. In campō Mārtiō plūrima opera ex-

genetrīx -īcis *f* = māter  
gēns (Iūlia) = cūncū qui-  
bus nōmen commūne  
est (Iūlius/Iūlia)  
orīri ortum = initium  
facere


ulcīscī necem Caesaris =  
pūnīre eōs quī Caesa-  
rem necāvērunt  
vovēre vōvisse vōtum  
= (deō) prōmittere  
(proelium) com-mittere  
= incipere  
[annō 42 a. C.]  
incohāre = aedificāre  
incipere

monumentum -ī *n* < mo-  
nēre; m. reī = quod  
monet dē rē  
ultor -ōris *m* = quī  
ulcīscitur  
ulcīscī ultum

augēre -xisse -ctum  
ab-sūmere = cōnsūmere,  
perdere



glōriārī = glōriōsē dīcere  
latericius -a -um = ē late-  
ribus factus  
“marmoream relinquō  
urbem quam lateri-  
ciam accēpi”  
bibliothēca -ae *f* = locus  
ubi librī servantur



mausōlēum Augustī

anniversārius -a -um  
= quī quotannīs fit  
mausōlēum -ī n = monu-  
mentum magnificūm  
mortuō aedificātūm  
ossa = corpus mortuum  
Pantheūm (-on) -ī n

balneae -ārum f = balnea  
pūblica  
thermae -ārum f =  
magnae balneae

imperātor: titulus prī-  
cipis Rōmānī  
Nerō -ōnis m

ibī-dem = eōdem locō  
(corpus) exercēre =  
movendō parāre

ductus -ūs m < dūcere

in-dūcere  
[annō 312 a. C.]

longitūdō -inis f < lon-  
gus; habet l.em passu-  
um M = M passūs lon-  
gus est  
11 190 p. [16,5 km]

arcuātus -a -um = qui  
fōrmam arcūs habet

imperāre = imperātor  
esse

strūxit, ē quibus memoranda sunt haec: porticus ad circum Flāminium, quam ā nōmine sorōris suae porti-  
cum Octāviae nōmināvit; theātrum Mārcellī, appellā- 235  
tum ā sorōris filiō M. Claudiō Mācellō; āra Pācis, in  
quā sacerdōtēs virginēsque Vestālēs anniversārium sa-  
crificium facere iussit; mausōlēum Augustī, id est mo-  
numentum in quō ossa prīcipis cremāta servantur. Eō-  
dem tempore Panthēum, altum templum rotundum, in 240  
campō Mārtiō exstrūctum est ā M. Agrippā, duce illūs-  
tri qui classī Augustī praefectus erat, itemque magnae  
balneae quae ab eōdem thermae Agrippae vocantur.

Hae prīmae thermae Rōmae fuērunt, sed posteā aliae  
thermae etiam magnificētiōrēs aedificātae sunt ab im- 245  
perātōre Nerōne in campō Mārtiō, ā Titō et Trāiānō in  
Ēsquiliīs. Rōmānī cotidiē in thermās illās celebrēs lavā-  
tum eunt atque ibidem corpora exercent natandō, cur-  
rendō, luctandō. Aqua, cuius magna cōpia ā lavantibus  
cōnsūmitur, ē montibus in thermās dēdūcitur per lon- 250  
gōs aquae ductūs, quōrum veterimus, aqua Appia, in  
urbem inducta est ab Appiō Claudiō Caecō, qui etiam  
viam Appiam ā portā Capēnā ūsque ad urbem Capuam  
mūniendam cūrāvit. Ductus eius habet longitūdinem  
passuum ūndecim mīlium centum nōnāgintā (ex eō rī-  
vus est subterrāneus passuum ūndecim mīlium centum 255  
trīgintā, suprā terram opus arcuātum passuum sex-  
āgintā). Sed ductus clārissimus, aqua Claudia, ab  
imperātōre Claudiō, qui ante Nerōnem Rōmae imperā-

260 vit, perfecta est, et habet longitūdinem passuum quadrāgintā sex mīlium quadringentōrum sex (ex eō opus arcuātum passuum sex mīlium quadringentōrum nōnāgintā et ūniūs).


### *Urbis incendium et domus aurea Nerōnis*

265 Nerōne imperante terrible incendium ā circō Māximō ortum magnam urbis partem absūmpsit. Nerō, cum urbem ārdentem prōspiceret, pulchritūdine flammarum dēlectātus dicitur iniisse domesticam scaenam et cecinisse Trōiae incendium, sed incertum est num  
 270 tyrannus ille īsānus, quī vetera aedificia vīcōsque angustōs contemnēbat, urbem ipse incenderit. Cum sextō dēmum diē ignis exstīnctus esset, ex regiōnibus quatruordecim, in quās Augustus Rōmam dīvīserat, quatruor tantum integrae manēbant, trēs funditus flammīs  
 275 dēlētae erant, in septem reliquīs pauca tēctōrum vestīgia supererant.

Post incendium, cum tōta vallis quae inter Ēsquiliās et Palātium interiecta est domibus vacua facta esset, Nerō in hāc regiōne domum amplissimam sibi exstrūxit, quae ita aurō atque gemmīs splendēbat ut iūre ‘domus aurea’ nōminārētur. Longissima porticus ā Sacrā viā ad illam domum splendidam ferēbat. In vestibulō stābat ingēns statua tyrannī ex aere facta, quae Colossus appellābātur. In hortīs Nerōnis, quī ūsque ad  
 285 montem Caelium patēbant, stāgnūm arte factum erat

46 406 p. [68,6 km]


6491 p. [9,6 km]



[annō 64 p. C.]  
orīri ortum esse (: prīnum fieri, incipere)

in-īre = intrāre  
scaena = locus in theatrō  
ubi fābula agitur

īn-sānus -a -um = cui  
mēns sāna nōn est



dēlēre -ēuisse -ētum =  
absūmēre, perdere  
tēctum : domus  
vestīgium : quod reliquum est

splendidus -a -um  
= splendēns  
vestibulum -ī n = locus  
clausus ante iānuam  
Colossus -ī m: statua Sōlis  
Rhodī locāta  
stāgnūm -ī n = lacus  
aquaē stantis (: nōn fluentis)

probāre = probum esse  
putāre  
“quasi homō tandem  
habitāre coepi!”


T. = Titus (praenōmen)

amphitheātrum  
Flāvium

col-locāre = locāre


Flāviī: T. Flāvius Vespa-  
siānus eiusque filii

īdem Vespasiānus = Ves-  
pasiānus quoque



candēlābrum -īn  
Hierosolyma -ōrum n

aedificiīs circumdatum atque campīs silvīsque cum  
multitūdine omnis generis pecudūm ac ferārum. Nerō  
ipse domum suam perfectam ita probāvit ut ‘sē’ diceret  
‘quasi hominem tandem habitāre coepisse!’ Hōrum om-  
nium operum nihil paene restat, nam post mortem Ne- 290  
rōnis imperātor T. Flāvius Vespaſiānus in locō stāgnī




clārissimum amphitheātrum exstrūxit, quod ā nōmine  
prīcipis amphitheātrum Flāvium appellātur; atque Ti-  
tus et Trāiānus in ipsō locō domūs aureae thermās suās  
collocāvērunt.

295

### *Imperātōrēs Flāviī*

Īdem Vespasiānus duo templa aedificāvit: templum  
Dīvī Claudiī in Caeliō monte (coeptum quidem ab  
Agrippinā, Claudiī uxore, sed ā Nerōne prope funditus  
dēstrūctum), et templum Pācis forō proximum. Hoc 300  
templum incohātum est cum Titus, filius Vespaſiānī  
māior, Iūdaeōs vīcisset atque Hierosolyma, urbem illō-  
rum nōbilissimam, dēlēvisset. In templō Pācis servan-

tur rēs sacrae quās Titus Iūdaeīs victīs adēmit, in iīs  
 305 candēlābrum aureum et mēnsa aurāta quae in templō  
 Hierosolymōrum stābat tubaeque argenteae quibus Iū-  
 daeī convocabantur.




Postquam imperātor Titus morbō mortuus est, senā-  
 tus populusque Rōmānus arcum pulcherrimum Dīvō

310 Titō dēdicāvit, quī in summā Sacrā viā positus est. In  
 parte interiōre triumphus Titī dē Iūdaeīs imāginibus  
 illūstrātur: ab alterā parte imperātor laurō ornātus currū  
 triumphālī vectus vidētur, ab alterā mīlitēs candēlā-  
 brum et tubās Iūdaeōrum ferentēs.

315 Domitiānus, frāter Titī minor, quī post eum imperā-  
 vit, templum Iovis Optimī Māximī in Capitōliō refēcit  
 et domum Augustānam in Palātiō aedificāvit, ut suprā  
 dictum est. Inter cētera Domitiānī opera memorandum  
 est stadium in campō Mārtiō factum, ubi iuvenēs Rō-  
 320 mānī cursū sē exercent.


ad-imere -ēmisse  
 -ēmptum ↔ dare



arcus Titī


morbus -īm = mala  
 valētūdō  
 [annō 81 p. C.]

interior -ius comp  
 (< intrā) = internus  
 illūstrāre = illūstrem  
 facere  
 triumphālis -e < triumphus



stadium -īn = circus in  
 quō iuvenēs currēdō  
 sē exercent

[annō 96 p. C.]



aereus -a -um = ex aere  
factus

[annō 117 p. C.]

P. = Pūblius (praenōmen)  
prae-clārus -a -um = prae  
aliis clārus, clārissimus



### *Trāiānus et Hadriānus*

Domitiānō interfectō, pīmū M. Coccēius Nerva annum tantum et quattuor mēnsēs imperāvit, deinde M. Ulpius Trāiānus, optimus pīnceps, imperium accēpit. Quōrum uterque novum forum faciendum cūrāvit. 325 Forum Nervae cum templō Minervae situm est inter forum Augustī et templum Pācis. Forum Trāiānī, omnium māximum et splendidissimum, inter Arcem et collem Quirīnālem interiectum est. In mediō forō locāta est statua equī qui ipsum pīncipem vehit. Illa 330 basilica quam Trāiānus forō suō adiūnxit et ā nōmine suō basilicam Ulpiam appellāvit, etiam amplior est quam basilica Iūlia. Iūxtā basilicam Ulpiam, inter duās bibliothēcās ab eōdem pīncipe cōnstitūtās, stat alta columnā in quā bella quae Trāiānus in Dāciā gessit 335 plūrimīs imāginibus illūstrantur. In summā columnā statua imperātōris aerea posita est.

Trāiānō mortuō, imperātor P. Aelius Hadriānus templum pīaclārum post basilicam Ulpiam aedificātum Dīvō Trāiānō dēdicāvit. Māxima vērō Hadriānī 340 opera sunt templum Veneris et Rōmae sive Urbis Aeternae in Veliā situm, id est in colle humili qui ā Palātiō ad Ėsquiliās versus ēminet; Panthēum novum in campō Mārtiō; ac mausōlēum trāns Tiberim situm. Pōns Aelius, quō Hadriānus mausōlēum suum cum campō 345 Mārtiō iūnxit, māximus et fīrmīssimus est omnium pontium qui in Tiberī factī sunt.

Antōnīus Pius, quī post Hadriānum imperāvit, ter  
tiō annō imperiī suī Faustīnam uxōrem perdidit, quae ā  
350 senātū cōnsecrāta est. Templum Dīvae Faustīnae dē-  
dicātum — ac deinde, vīcēsimō annō post, Dīvō Antō-  
nīnō — in Sacrā viā situm est iūxtā basilicam Aemiliām.

*Orbis caput*

Sed satis hōc locō dictum est dē magnitūdine et pul-  
355 chritūdine urbis Rōmae. Videāmus nunc quōmodo  
haec urbs mīrabilis ā parvā orīgine ad tantam magnitū-  
dinem tantamque glōriam pervēnerit ut caput orbis ter-  
rārum appellētur. Nam, ut dīcit Ovidius:

*Hīc ubi nunc Rōma est, orbīs caput, arbor et herbae  
360 et paucae pecudēs et casa rāra fuit.*

Nunc vērō

*Iuppiter, arce suā cum tōtum spectat in orbem,  
nīl nisi Rōmānum quod tueātur habet.*

Omnium pīnum igitur dīcendum est dē Aenēā,  
365 duce Trōiānōrum, ā quō populus Rōmānus orīginem  
trahit. In carmine praeclārō quod *Aenēis* īscrībitur, P.  
Vergilius poēta, quī aetāte Augustī vīxit, rēs ab Aenēā  
gestās hexametrīs nārrāvit, quam nārrātiōnem proximīs  
quattuor capitulīs solūtā ūrātiōne sequimur, aliquot  
370 Vergiliī versibus servātīs.

perdere = āmittere

cōnsecrāre = Dīvum  
/Dīvam nōmināre  
vīcēsimus -a -um  
= xx (20.)

orbis = orbis terrārum

magnitūdō -inis f  
< magnus

orīgō -inis f < orīrī

[*Fāstī* V.93–94 et  
I.85–86]

arbor : arborēs

casa rāra: paucae casae

cum ab arce suā (: ab  
Capitōliō)

tuērī = intuērī

omnīum pīnum = ante  
omnia

Aenēās -ae m

orīginem trahere = ortus  
esse

Aenēis -idis f

liber īscrībitur = librō  
titulus est

ūrātiō solūta ↔ versūs

OPERA VRBANA	annō a.C.	PRINCIPES ROMANI
Rōma quadrāta	750	Rēgēs (753–509)
Rēgia		Rōmulus rēx
Iānus	700	
Cūria Hostīlia	650	
Pōns Sublicius		
Circus Māximus	600	
Templum et Ātrium Vestae	550	
Cloāca Māxima		Tarquinius Superbus rēx
Templum Iovis Capitōlinī dēdicātum (509)	500	Cōnsulēs (509–)
Aedēs Sāturnī (498), Castoris (484)	450	
	400	
Aedēs Concordiae (367)		
Templum Iūnōnis Monētae (344)	350	
Rōstra ḫrnāta (338)		
Aqua Appia, Via Appia (312)	300	
Templum Iovis Statōris (294)	250	
Circus Flāminius (220)	200	
Basilica Aemilia, Pōns Aemilius (179)	150	
Porticus XII deōrum (c 120)	100	
	90	
Templum Iovis Capitōlinī incēnsum (83)		
Tabulārium (78)	80	
Templum Iovis Capitōlinī refectum (69)	70	
	60	
Theātrum et Cūria Pompēii (55)		
Forum Iūlium, Templum Veneris Gen. (46)	50	C. Iūlius Caesar (48–44)
Cūria Iūlia (46)		
Aedēs Sāturnī restitūta (42)	40	
Basilica Aemilia restitūta (34)		
Templum Dīvi Iūlii (29)	30	Augustus (31 a.C.–14 p.C)
Aedēs Apollinis Palātīna (28)		
Porticus Octāviae (27), Panthēum (28)		
Mausolēum Augustī (23)		
Thermae Agrippae (19)	20	
	10	
Theātrum Mārcellī (13)		
Ara Pācis (9)		
Templum Mārtis Ultōris dēdicātum (2)		

OPERA VRBANA	anno p.C.	PRINCIPES ROMANI
Aedēs Castoris restitūta (6)	10	Tiberius (14–37)
Aedēs Concordiae restitūta (10)	20	
Basilica Iūlia perfecta (12)	30	
Domus Tiberiāna in Palātiō	40	Caligula (37–41)
Templum Dīvī Augustī perfectum	50	Claudius (41–54)
Domus Caligulae in Palātiō	60	Nerō (54–68)
Circus Vāticānus (Gāii et Nerōnis)	70	Vespasiānus (69–79)
Aqua Claudia perfecta (52)	80	Titus (79–81) Domitiānus (81–96)
Thermae Nerōnis (62)	90	
Domus Aurea, Colossus (64)	100	Nerva (96–98) Trāiānus (98–117)
Templum Iovis Capitolīni incēnsum (69)	110	
Templum Dīvī Claudiī (70)	120	Hadriānus (117–138)
Templum Pācis (75)	130	
Amphitheātrum Flāvium (80)	140	
Thermae Titī, Arcus Titī (81)		
Aedēs Dīvī Vespasiānī (81)		
Templum Iovis Capitōlīni refectum (82)		
Domus Augustāna (92)		
Stadium Domitiānī (96)		
Forum Nervae, Templum Minervae (97)		
Thermae Trāiānī (109)		
Forum Trāiānī, Basilica Ulpia		
Columna Trāiānī (113)		
Templum Dīvī Trāiānī		
Panthēum renovātum (126)		
Pōns Aelius (134)		
Mausolēum Hadriānī (139)		
Templum Dīvae Faustīnae (141)		Antōnīnus Pius (138–161)

<i>Vocabula nova:</i>	
casa	
strāmentum	
arx	
cōsul	
incendium	
marmor	
cella	
simulācrum	
sēdēs	
triumphus	
sacrificium	
metallum	
aes	
palūs	
cloāca	
basilica	
vīcus	
cūria	
senātus	
senātor	
ōrātor	
rōstrum	
prōra	
aedēs	
prōmunturium	
focus	
rēgia	
pontifex	
aerārium	
discordia	
factiō	
patriciī	
plēbēii	
concordia	
vetustas	
odor	
porticus	
clivus	
āra	
statua	
genetrix	
monumentum	
ultor	
later	

## PENSVM A

*Dē cāsū genetivō*

Urbs Rōma, quae caput orb- terr- vocātur, in rīpā Tiber- flūmin- sita est xx mīlia pass- ā mari.

In Capitōliō est magnus numerus templ-, qu- clārissimum est templum Iov- Optim- Māxim-. In cellā h- templ- simulācrum de- sedent- positum est.

Vesta est dea foc- ac r- domestic-, in c- aede nūllum de- simulācrum inest. Ātrium Vest- est domus virgin- Vestāl-. Rēgia est domus pontific- māxim-, summ- sacerdōt- popul- Rōmān-.

C. Octāviānus adulēscēns xix ann- dux exercit- fuit; post quam necem Caesar- ultus est, monumentum victōri- su- aedificāvit: templum Mārt- Ultōr-.

Colossus est statua Sōl- Rhod- locāta; eōdem nōmine vocābātur statua Nerōn- quae Rōm- in vestibulō dom- aure- stābat. In hortīs ill- tyrann- erat multitūdō omn- gener- pecud- ac fer-.

Titus, filius Vespasiān- prīcip-, post expugnātiōnem Hierosolym-, urb- Iūdaeōrum nōbilissim-, triumphāvit. In templō Pāc- servantur rēs sacrae Iūdae-, in iīs tubae et candēlābrum magn- preti-. Iūdaeī eās rēs magn- aestimant, etiam plūr- quam Rōmānī. Novus imperātor triumph- cupi- dus est.

Domitiānus, quī mult- sceler- accusābātur, prae metū mort- dormīre nōn poterat. Māximum Hadriān- opus est templum Vener- et Rōm- sīve Urb- Aetern-.

Rōmulus rēx bell- studiōsus erat, neque eum pudēbat cas- su- pauper-.

## PENSVM B

Cum rēx Tarquinius Rōmā — esset, duo — populō Rōmānō — [= praepositū] sunt. Cōsul Rōmānus — [= templum] Iovis —. Domitiānus illam aedem — [=igne] absūmptam — [= refēcit]. Tēctum aurō —, columnae ē — factae sunt. In

templō Iūnōnis Monētae, quod — [= positum] est in summā —, nummī efficiuntur ex aurō et argentō et —. Arx — [= validīs] mūris mūnitur. In aede Vestae, quae fōrmam — habet, ignis aeternus — quī numquam —. In campō Mārtiō est — Pācis, ubi sacerdōtēs et Vestālēs anniversārium — faciunt. Augustus templum Mārtis — aedificāvit, postquam necem Caesaris — est. Hadriānus — Aelium in Tiberī fēcit.

Titus Iūdaeōs — [= vīcit] et rēs sacrās, ut — argenteās et — aureum, iīs —. In summā — viā — populusque Rōmānus Dīvō Titō arcum — [= cōsecrāvit].

— est ūrdō columnārum tēctus. Mausōlēum dīcitur — [= magnum] — in quō ossa servantur. Aqua Appia est aquae — veterimus, quī in urbem — est ab Appiō Claudiō. — est aedificium quō senatus convenit. — est parva domus pauper; — domus rēgis est. — sunt bēstiae quibus agricola ūtitur.

Locus — est quō multī convenient. Is cui mēns sāna nōn est — esse dīcitur. Aedificium quod stāre nōn potest —. Cicerō est — Rōmānus — [= clārissimus].

Synōyma: imāgō et —; māter et —; dīvus et —; clārus et —; internus et —; superesse et —; operīre et —; prōicere et —; sacrāre et —; aedificāre et —; accidere et —; ūrere et —; accendere et —; deō prōmittere et —; glōriōsē dīcere et —; intrāre et —; eōdem locō et —.



Contrāria: puppis et —; discordia et —; plēbēi et —; bona valētūdō et —; exstruere et —; dare et —.

## PENSVM C

Num hominēs pauperēs in Palātiō habitant?  
 Quis templum Iovis Capitōlinī aedificāvit?  
 Templumne Iovis ā rēge dēdicātum est?  
 Quid facit imperātor post triumphum?  
 Quid significat ignis Vestae?  
 Quid est negōtium sacerdōtum?  
 Quot senātōrēs in senātū Rōmānō sunt?  
 Quis fuit M. Tullius Cicerō?

bibliothēca
mausōlēum
balneae
thermae
ductus
longitūdō
flamma
vestibulum
stāgnūm
pecus
candēlābrum
tuba
morbus
laurus
stadium
pōns
magnitūdō
origō
quadrātus
firmus
sacer
augustus
amplus
subterrāneus
celeber
illūstris
rotundus
domesticus
aeternus
dīvīnus
dīvus
marmoreus
aurātus
interiectus
latericius
anniversārius
arcuātus
īnsānus
splendidus
interior
triumphālis
aereus
praeclārus
vīcēsimus
restāre
tegere
praecipitāre
sacrāre
expellere
cōsecrāre
reficere
splendēre
siccāre

dēducere	Ubi C. Iūlius Caesar necātus est?
exstruere	Cūr Caesar Dīvus Iūlius appellātur?
vēnīre	Ubi templum Dīvī Iūlii aedificātum est?
locāre	Quārē Augustus Mārtem ‘Ultōrem’ appellābat?
ēminēre	Quandō Augustus Iānum clausit?
dēstruere	Quamobrem Nerō urbem incendisse putābātur?
ēvenīre	Cūr domus Nerōnis ‘aurea’ vocābātur?
ārdēre	Quid aedificātum est in locō domūs aureae?
exstinguere	Quam gentem Titus in oriente superāvit?
praeficere	Ubi mausōlēum Hadriānī situm est?
cremāre	
dēpōnere	
restituere	
collābī	
dēdicāre	
triumphāre	
renovāre	
superāre	
incendere	
ulciscī	
vovēre	
incohāre	
absūmere	
glōriārī	
exercēre	
indūcere	
inīre	
probāre	
collocāre	
adimere	
tertium	
ibidem	



FORVM ROMANVM